

**Himpunan Oren berarak ke Istana Negara bantah penyenaian FGVH**  
**Malaysian Insider**  
**14 Julai, 2012**  
**Oleh Nomy Nozwir**

KUALA LUMPUR, 14 Julai — Ribuan anak-anak peneroka Felda membanjiri bandaraya di sini dalam baju jingga untuk menyerahkan memorandum kepada Yang diPertuan Agong bagi membantah penyenaian Felda Global Ventures Holdling (FGVH) di Bursa Malaysia.

Perarakan protes mereka ke Istana Negara bertolak dari Masjid Wilayah Persekutuan kira-kira 2.30 petang tadi.

Para penunjuk perasaan tersebut yang dijangka melebihi seramai 2,000 orang juga menuntut pengerusi Felda Tan Sri Isa Abdul Samad untuk meletak jawatan, berserta lapan tuntutan lain yang disenaraikan oleh Himpunan Anak-Anak Felda (Anak).

Setakat ini, polis berkata keadaan masih terkawal dalam Himpunan Oren ini.

Hakcipta © 2012 The Malaysian Insider

Source:

<http://www.themalaysianinsider.com/bahasa/article/himpunan-oren-berarak-ke-istana-negara-bantah-penyenaian-fgvh/>

